



Broj: 07-11-1421/24

Datum: 15.08.2024. godine

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj: 39/14, 59/22 i 50/24), člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), a na prijedlog Komisije za javnu nabavku roba, usluga i radova, d o n o s i s e

ODLUKA o izboru najpovoljnijeg ponuđača

I
Za najpovoljnijeg ponuđača za javnu nabavku radova: „Izvođenje dodatnih radova na rekonstrukciji nogometnog terena sa vještačkom travom na stadionu „HAKIJA MRŠO“ u Vogošći“, po provedenom pregovaračkom postupku bez objavljivanja obavještenja o javnoj nabavci izabran je sljedeći ponuđač:

NISKOGRADNJA DURMIĆ d.o.o. Ilijaš
sa ukupnom cijenom od 12.480,00 KM (slovima: dvanaesthiljadačetiristotineosamdeset konvertibilnihmaraka) bez uračunatog PDV-a odnosno 14.601,60 KM (slovima: četrnaesthiljadašeststotinajedna i 60/100 konvertibilnihmaraka) sa uračunatim PDV-om.

II
Za izvršenje ove Odluke zadužuje se Služba za investicije i komunalne poslove Općine Vogošća.

III
Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Vogošća, Ul. Jošanička 80., 71320 Vogošća ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav a) do d) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača, s tim da datum izdavanja dokumenata ne smije biti nakon datuma podnošenja ponude.

IV
Odluka o izboru najpovoljnijeg ponuđača objavit će se na web stranici www.vogosca.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Predmetna javna nabavka je provedena putem pregovaračkog postupka bez objavljivanja obavještenja o javnoj nabavci, a pokrenuta je na osnovu Odluke Općinskog načelnika broj: 07-11-1421/24 od 02.08.2024. godine.

Procijenjena vrijednost javne nabavke bez uračunatog PDV-a je: 12.480,00 KM (slovima: dvanaesthiljadačetiristotineosamdeset konvertibilnihmaraka).

Komisija za javnu nabavku roba, usluga i radova imenovana je Rješenjem Općinskog načelnika broj: 02-04-2301/24 od 27.12.2023. godine.

Pozvani ponuđač/kandidat NISKOGRADNJA DURMIĆ d.o.o. Ilijaš je dana 07.08.2024. godine sa Portala JN preuzeo Tendersku dokumentaciju za fazu pretkvalifikacije (I dio-Poziv za učešće).

Krajnji rok za dostavu Zahtjeva za učešće i pretkvalifikacione dokumentacije bio je 09.08.2024. godine do 10³⁰ sati.

Komisija za javne nabavke je dana 09.08.2024. godine konstatovala da je na protokol kao blagovremen zaprimljen Zahtjev za učešće i pretkvalifikaciona dokumentacije ponuđača/kandidata NISKOGRADNJA DURMIĆ d.o.o. Ilijaš, broj int. Knjige: 264.

Nakon izvršenog otvaranja zaprimljenog Zahtjeva za učešće i pretkvalifikacione dokumentacije, Komisija za javne nabavke je pristupila analizi dokumentacije, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji za fazu pretkvalifikacije, odnosno pregledu dokumentacije u skladu sa procedurama i pravilima utvrđenim tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da dostavljena kvalifikaciona dokumentacija i Zahtjev za učešće ponuđača/kandidata NISKOGRADNJA DURMIĆ d.o.o. Ilijaš ispunjava tražene kvalifikacione uslove, odnosno zahtjeve ugovornog organa tražene Tenderskom dokumentacijom za fazu pretkvalifikacije.

Iz navedenih razloga, Komisija za javne nabavke jednoglasno je dala preporuku Općinskom načelniku da donese Odluku o kvalificiranosti ponuđača NISKOGRADNJA DURMIĆ d.o.o. Ilijaš, za nabavku izvođenja dodatnih radova na rekonstrukciji nogometnog terena sa vještačkom travom na stadionu „HAKIJA MRŠO“ u Vogošći.

Komisija za javne nabavke konstatuje da je na protokol kao blagovremena zaprimljena početna ponuda ponuđača/kandidata NISKOGRADNJA DURMIĆ d.o.o. Ilijaš, broj int. knjige 265.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da je početna/inicijalna ponuda ponuđača NISKOGRADNJA DURMIĆ d.o.o. Ilijaš formalno-pravno ispravna te da ispunjava uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela početne ponude ponuđača NISKOGRADNJA DURMIĆ d.o.o. Ilijaš, te je izvršena računska provjera dostavljene početne ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Obzirom da pristigla početna/inicijalna ponuda ispunjava formalno-pravne uslove, odnosno zahtjeve ugovornog organa tražene Tenderskom dokumentacijom, Komisija za javne nabavke je pristupila fazi pregovora sa ponuđačem NISKOGRADNJA DURMIĆ d.o.o. Ilijaš.

U skladu sa članom 136. stav 2. i članom 147. stav 2. Zakon o upravnom postupku Federacije BiH ("Službene novine Federacije BiH" broj: 2/98, 48/99 i 61/22) pregovori sa ponuđačem su se obavili telefonskim putem.

Ispred ponuđača NISKOGRADNJA DURMIĆ d.o.o. Ilijaš pregovore je vršio Saudin Durmić direktor firme NISKOGRADNJA DURMIĆ d.o.o. Ilijaš.

Ispred ugovornog organa Općine Vogošća pregovore vrši Komisija za javne nabavke.

Predmet pregovora je ponuđena cijena tj. ponuđeni iznos za izvođenje dodatnih radova na rekonstrukciji nogometnog terena sa vještačkom travom na stadionu „HAKIJA MRŠO“ u Vogošći u iznosu od 112.480,00 KM bez uračunatog PDV-a odnosno 14.601,60 KM sa uračunatim PDV-om.

Nakon završenog postupka pregovaranja Komisija za javne nabavke konstatuje da ponuđač NISKOGRADNJA DURMIĆ d.o.o. Ilijaš nije pristao na sniženje svoje ponuđene cijene iz početne Ponude.

Općina Vogošća kao ugovorni organ je na Portalu JN učinila dostupnom Tendersku dokumentaciju za izradu konačne ponude-III dio, koja sadrži zahtjev za predaju konačne ponude, obrazac za konačnu ponudu, obrazac za konačnu cijenu ponude kao i Nacrtni Ugovora (Aneks 1, 2 i 3).

Ponuđač je bio dužan preuzeti TD za izradu konačne ponude-III dio sa Portala JN BiH i dostaviti traženu dokumentaciju (konačnu ponudu) najkasnije dana 15.08.2024. godine do 14⁰⁰sati, na protokol ugovornog organa.

Komisija za javne nabavke konstatuje da je na protokol kao blagovremena zaprimljena konačna ponuda ponuđača/kandidata NISKOGRADNJA DURMIĆ d.o.o. Ilijaš, broj int. knjige 269.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da je konačna ponuda ponuđača NISKOGRADNJA DURMIĆ d.o.o. Ilijaš formalno-pravno ispravna te da ispunjava uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela konačne ponude ponuđača NISKOGRADNJA DURMIĆ d.o.o. Ilijaš, te je izvršena računaska provjera dostavljene konačne ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Shodno iznesenom, Komisija za javne nabavke je ocijenila konačnu ponudu ponuđača NISKOGRADNJA DURMIĆ d.o.o. Ilijaš kao prihvatljivu za ugovorni organ sa stanovišta procijenjene vrijednosti nabavke, te ovim aktom jednoglasno je dala preporuku Općinskom načelniku da donese Odluku o izboru najpovoljnijeg ponuđača NISKOGRADNJA DURMIĆ d.o.o. Ilijaš, za nabavku izvođenja dodatnih radova na rekonstrukciji nogometnog terena sa vještačkom travom na stadionu „HAKIJA MRŠO“ u Vogošći u iznosu od 12.480,00 KM bez uračunatog PDV-a odnosno 14.601,60 KM sa uračunatim PDV-om.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o izboru najpovoljnijeg ponuđača donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora Bosne i Hercegovine o izmjeni i dopuni Instrukcije o načinu uplate, kontrole i povrata naknada propisanih članom 108. Zakona o javnim nabavkama br. 08-02-2-11082-1/18 od 03.12.2018. godine.

OPĆINSKI NAČELNIK


Migdad Hasanović

Izradila: Jasna Salihović



Kontrolisala: Melisa Kršo



DOSTAVITI:

- NISKOGRADNJA DURMIĆ d.o.o. Ilijaš
- Nadležnoj Službi
- a/a